

FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesims l'un — bez subit

Si vendin là vie da l'Edicole e là dai Tabachins in Marciavieri, in piazza Contarene e in Berg di S. Bartolomeo

REDAZION: su la fontane di piazza Contarene — AMMINISTRAZION: su la fereada de Vigne

Par altri Florean al si lassará ciata, quand che covente, in Stamparie Jacob e Colmegne.

Tiradure 4000 copils.

Florean par Grizzan.

Fogo di blo! Saveso che val bez! Chèste sete-manie passade, il borg dal Crott al ere in stat di asedio. Uèrè declàrade fra i scuelars e i contadins *dalle robuste braccia*. Quatri frutazz, par passà l'orè, e jerin làz a sintì chel boccon di... pisto, che al dis sù tantis di ches bestialitaz sul pulpit di San Zorz, cussì come che si laress a sintì, pal bacàn, un zarlatan che, in tal miezz de plazze, jè da ad intindi a chei quatri còcal che stan lì a scoltàlu cun tante di boce viarte. Di che strade po', si sa, i miei quatri scuelaruzz e volevin sveà il voli, parò che e savevin che in Grizzan and è une vore di bielis pulzetis che van a binidizion la aere, cumò ch'al è il mes di Mai. Ciò, ce oleso, fantazz e fantatis si ciatin dula che puedin; sedì es marionetis, sedì in Glesie, o a musiche, al è chell instess par lor, pur di ciatassi. Ma che dai predis e jè une barache dula che no si pò migo fa ce ch'al comude; e se qualchidun al erod di podè là a fà il purcinell là drentri, lor no lu lassin; e uelin ve lor il privilegio. Anzit and è staz di chei che han vut cur di di, mostrand il Crist a la int: « Chèst, chest al ha di sei il uestri purcinell! »

Cussì mo' ai predis di San Zorz no i comodave gran che i scuelars e lessin te so buteghe, a trai di voli es pulzetis. Al par che, ance sun' chest pont, ciarte marcanzie, i predis a la uelin dute par se.

Ma i scuelars no han nome i voi, e han ancelis orellis, (e qualchidun a lis ha ance ben lungis, e chell al è sigur di fà cariere e di diventà almanco comandator, o segretari general,) e co sintirin chell ciossul, ch'al predicave, a di su ce sao jo ce razze di insolenzis cuintri da l'Italie, no poderin mo' tignissi di fà un pòc di sussur.

E han fatt mal, no lu nei, parò che no jerin nè a ciase so, nè in plazze; ma, fogo di blo! quand ch'a si sint ciartis risis di un che, in fin dai conz, al ha il coraggio di sberlà nome parò ch'al sa che nissun nol pò rispundii, co si viod un massepassut a spalìs dai muccions, ch'al si

mett a fà il traditor de patrie e ch'al si ten an bon, o dis la veretat, ch'a i ul unmonte di virtut a stà cujezz e a lassà ch'al zorni, senza sintissi a vignì sù une voe prepotent di fai cercià di ce savor che sà la *sonze di bosch*, o di mandalu, almanco, a fassì... frizzi.

Jo, ch'o sai cemud che jè, no voi pardie paipis di ciarte int. O ju lassì che s'es fassin avchè s'es disin fra di lor, e ju hai tal ort. E se dugg i talians e ju vessin dula ch'o ju hai jò, ma da bon si che ance i predis e la varessin, di un piezz in cà, mitude vie.

Dunce dutt il diuart dai scuelars second il miò mud di viodi, al è stat chell di là a finì in tua lug, dula che, za^a dovevin immagiuaasi, ch'a podevin spietassi nome stupidis insolenzis cuintri di chell che ogni bon talian al ha di plui sacro tal so cur.

In quant al rest, e jè simpri stade che par fà l'amor a si vadi in glesie come che si laress in zardin o ator lis muris. E se i predis e intindin ch'a si vevi di ve plui rispiett pe ciase di Dio, (par dile come ch'a la disin lor,) ch'a scomenzin lor a rispetàle un pòc mior; e ch'a la capissin, se uelin, che, parò che son in te so buteghe, a no i è permitut un... pic di nfidi i simmedz di chei che i fasin l'onor di vignì, par un fin o par chell altri, a scoltà lis lor fandonis.

Dopo dutt, in cheste facende, di San Zorz, bisugne tignì cont che in te zoventut al covente di compati un montis di robis; parò che, a di une ciarte etat, se ance si fàs qualche monade, si la fàs par lezerezza e no par tristerie.

Ma une tristerie bièle e buine e jè che di profità dal pulpit, o de tonie, par meti sù une sdrume di pò *dalle robuste braccia*, cuintri di quatri frutazz, par che po' dopo *le robuste braccia*, in dis cuintri di un, e vadin di là a bastonaju.

E la perfidie plui grande po' e jè che che salte tai voi nete e sclete leind chel capo d'opade di insinuazioni gesuitichis, che jè la letare pubblicade dal lustrissin sior plevan. Nol ha vidit lui, ma i han contat che i studenz a vevin il curtiss e il revolver! Ah! ver scuelar di Don Basilio!

Ma e saress ore di finìle cun cheste int, che ha la cunsacienze plui nere de toneate che quarta.

Il sior Procurator dal Re al dovress visassi che in tun ciart libri al ha di sei un articul ch'al fevela di *eccitamento all'odio ed alla lotta*, ce sao jo! No podarèssai mo' viodi se, a chei che han mitut su i contadins di San Zorz, i laress ben chell articli?

Leterature di Florean

Lis brauris dal dottor Faine.

SOUELE TEORICHE

In quatri riis, la immense machiavelliche
Dal gran dottor in tal razir te cabale,
La int par buzara, par fassi siors,
Cheste volte darin ai ciars letors.
Prime di dutt, no ocor credi une buzare
Nè a Dio, nè al diavol, nè a zil, nè a infiar, nè a l'anime.
Pur che si fass bez, assassina
Fameis interlis, strozza, ingiana,
Defrauda, ricata, robba, truffa;
Doi brazz di pel sul cur; lassà che ciulin,
Senze scomponsi, i merles che si spelin.
Bausis un montis, ma par ve l'intent
Comenza a la large, tant par che al somei
Che par pur cas si jentri in argoment.
Savè ben rasenta il codiz penà,
In mud di no lassasi ciata in fal.
Un pass no fà, a us general d'armade,
Se pronte no si ha une ritirade.
Tal ingiana cioli a la large un mont;
Ma tal difindisi ciapà di front.
Se, par un dato si rive a robba,
Cori il furto subit a denunzia
E il auspiett su innocenz manifestà,
Quand che une ciosse no si pò neà,
Bisugne jessi i prins a confessà;
Ma voltale in maniere che apparissi
Une oneste azion, un bon serviz;
Se si ha par esempi ravinade
Une famee, butane su la strade,
Di che si ha scognut fà par salvà
Dai creditors, e cul rigiatv judale;
O ben un preste-nom fà figurà
E di che si ha scognude fà l'azion
Quintri voe, par dovè di pusizion.
Quand che po' si prepare un precipizi
Pes vos che zirin, pront un sacrifici
Di un pòs di chei robaz; fà caritat
Clamorose e notorie pe citat,
Fasind fa ciasso sù par lis gazetis
Par buta polvar tai voi. Se si è a lis strettis
E oh'al puedi buzara un nemì, inchinàlu,
Adulàlu, lecalu, regalàlu,
Turipinàlu, par podè tiràlu
De sò, inzingaràlu e dominàlu.
Finzi onestat e galantomismo
In ogni event, virtut e patriotismo;
E tra i fiars dal mistir, dopo di dutta,
Al cas ve prontis quatri lagrimatis
Di cocodrill; che fasin efieton

Sui basoi; e in cas disperadon
Tira dal pett avar un suspiron,
Meti man alla borse e daju fur
I maranghins, cun gran dolor di cur.
No isai ver mo', par finì il discors,
Che une comende al cuell i starea ben
Ance a Faine, e, par premià 'l inzen,
Cun che comende, in posizion tiralu
Che dutt il mond puedi amiràlu?
Sore tiare doi dez e bastarèssin
Par che pizzui e grang a lu vedassin.

Florean in Ciase di Ricovero.

A m'in vevin contadis tantis, a proposit de
Ciase di Ricovero, che o hai volut là in persone
a fà une visite ance là vie, e o hai scognut per-
suademi che no m'in vevin ditt nuje di masse.

Intant, capo prin, a chell stabiliment a covente
di cambiai il nom. Il sol titol ch' a i laress ben,
al saress

Ciase di pene par delitt di miserie.

I puars ricoveraz, vecios, che varesin biagne
di sostanze, e patissin la fam; prin parò che i
dan pò di mangià e po' parò che, ance chell
pò, al è fatt in maniere che no puedin giotilu.
E la colpe no jè no migo dal imprese che furniss
i vivars. Ah, mai! La colpe e jè di cui che tind
a la cusinè. E saveo parò. A ingrassin purcizz
cun chell ch' a i vanze ai puars ricoveraz; ch' a
i vanze i intindinsi, ch' a no puedin parà jù pal
cuell. Il vinars par esempi, a i dan quatri cro-
stis di pan tal aghe cialde, cun doi grans di
pevar in cime. Ce buine sope! Il vin nome tre-
voltis par setemane; ma a la plu pizzule man-
cianze i ciolin ance chell scilipp, e and'è di chei
che i ha tociat di stà fintenemai tre o quatri
setemanis senze cerciant gote.

La matine, nissun nol ha di jevà sù dal jett,
prin che suni la ciampane. E puedin jevà nome
par là... indulà che no podarèssin mandà; ma
guai se, prin de ciampane, e metin su i bergonst
E scognin là in mudandis. Figurali di unviar
cun chell zenigo!

Libertà di coscienza po', di quasi stival! No
jù oblein migo a là a preà, no; ma chei che
no van e son maltrataz pies dai ciars. E lis fe-
minis pies che no i umin. In tre no puedin fer-
massi a fevelà. I parlatori al somee une preson,
cun tante di fersade; e nissun nol pò ricavi une
visite se no son il dos muinfa, a sinti dutt ce
oh' a si dis.

Il diretor po' Ce con i noi si lasse mai viodi,
par no scicassi a scoltà reclama.

Ah! puars i puars!

Chell che Florean al sint senza cià.

Sott il sottpuarti di San Zuan, cull daur di me,
lavorin par meti sù il *mausoleo* cu la lapide in

onor dai furlans che, dal 48 in cà, e son muarz pe patrie. Ma dabon si che il contorno de lapide a lu fasin zal e neri!

Che altre di, al jers li ch'a i deve une ociade al lavor un sior grand, gruess, ross e di bon nas. Un tal i fase osservà che il zal e neri a i steve come un pugn t'un voli in ta chell monument.

— Oh! ce conte! al respuindè il sior, e jerin pur dugg sudits dal Austrie; il zal e neri a i sta benon.

Al covente po' che o saveis che ch'est sior al è chell instess che dal 50, land a Vignesie in diligenze, al disè, cui slei compagns di viazz, che chei che si vevin batut quintrì dal Austrie dal 48 e 49, e jere dute int che no veve nuje ce piardi.

* * *

Quatri cinq di chei che han bon in man, par fa ce che uelin a Udin, a si son fermaz, usgnott passade, sott il feral sul cianton di Malagnin, par lej il statut di une gnove sozietat implantade par protezi i artisg. Oleso sinti?

CAPITUL I.

Dal mud di fai la fuesse a di un galantom ch'a nòl ul lustrà lis scarpis a di nissun.

Art. 1. Cioligi il mud di uadagnassi di vivi.

Art. 2. Co si lu ha ridott a no podè ciata un bott di vore, di che nòl ha vore di fa nuje.

Art. 3. Fàlu passà par malvivent e sogett periculos.

e vie discorind.

Floreat e Stazion.

E jere une bieie zornade, e ma da bon si che mi saltà tal ciar di là a fa une s-ciampade in Vapor, su pe linie di Pontebe, fin a Glemone. O ciapal su Marie Luigie e un di chei frutins che i sunin la stajare e Madone sott il Palazz. A la stazion che o fol, o lei par cioli i bilgiezz di andata e ritorno ma o scugnli spietà il ben di Dio prin che viarzessin la balconete. Co la viarzerin, e podevin mancià apene doi o tre minuz a la partenze, tant al è ver che il uardie-sale al berlave « Per Pontebe! Per Pontebe! » propit in chell che jo i domandavi i bilgiezz par Glemone. Confusionat, il bilgiatar m'an timbre invece di chei par Pontebe e po' al voleve a dugg i pazz che o foss lat dula ch'al voleve lui.

Intant ch'o contrastavin il vapor al dè une sivilade e vie. Jo i lassai al-bilgiatar i siei bilgiezz e, tant sparagnati, tornai indaur cun Marie Luigie che veve ciapade la fote e cul frutin ch'al voleve viodi Glemone. Ce ben che nus tratin, no mo'? Figuraisi po' i se mi han fatt cussì a mi, che san che no hai pel su la lenghe, ce hano e fai a di chei puars basoi che si lassin volta e remenà come che uelin lor?

Corispondenze di Floreat.

Civitat, ai 14 di Mai.

Floreat miò benedett,

O sengni tornà a batite, par che tu abrisiss fin cà sù. Scouse, ma no sta a fa fente di no sinti di che bande. Se tu us, o soi bon anco di mandati a cioli cui miei ciavai e cul birozz, basta che tu mandis a di in ce zornade. Viod paraltri che nol sedi in zornade di fieste, parcè che alore no tu podareiss viodi sior Bepo, che al è ocupat a fa i conz da l'anime, a netassi la lenghe, a digerì une ereditat e a lavà i vas des ziespis, oh' al vendeve al ospedal par tamarindo. Tutt al pluì, se jè la tiazze domènie dal mes, tu podareiss viodilu in prucission, in cape rosse e cul so brav ciandelott, a dà 'l bon esempli. Chei altris po' tu ju ciatis in qualunque zornade, o in domo, o ben in Municipi, o pur a San Francesch, o anco in piazze, o al Caffè; se pur qualchidun nol restass a ciase, a conta i fasui, intant che il fradi al studie la cunumie dal Comun. Se mai po' tu olessis vigni in scuindon, tenti a menz i conotaz: Voi di zuss e piruche rosse e la insegne de ritmetiche; S-cepulis di dindlazz e di gialinis su la puarte di un brav omp, oh' al butà jù un colegio par doprà i class; sior Toni, cun dos ciandelis impiadis, une al diaul e une a San Michel, pal cas che i coventi la protezion de sagristie par la pinsion; Cuell stuart e panze di cialuni... ma a'n d'è ben tross di cheste sorte, chenzit; Pichis di predi, musis di vreas, ociadis di ciapon, razirs di vipare, gambials de sozietat indiane in guanz e tantis altris bielis robis, a onor di Gisulfo.

Nossere, paraltri, cheste int e ha vut une ciarte sdronenade, in Teatro, che m'a ju ha lassaz dugg aberlufis. Cà si torne a sperà che il Consei Comunai al puèdi sei mandat a ciolissai tal ort. Dio ueli! Ma a noaltris nus covente che tu no tu nus bandonis e cussi o ti spietin dugg a brazz aviarz.

SANDRUTT

Glemone, ai 14 del mese di Mago.

Signor Florighano,

Non si podarese dirlo, ma si scugna per il bon esemplo ai altri paisi.

A Glemone in ta sozietà di ginasticha, che gano mituto su qumò, gavevano dito, in tun conseo, di fare vignire due machigne, per distudare il fugo; ma jar di sere, invece di conseare su quella ciassa, si coreano dauro duoi i sozii per la sala, cui cu la scova, cui cun qualche altro striamento. Fazeano un ciadaldiaulo che al lu sintiva sintenemai la dela momola, siben che inmiezo ai sozii ghe ne sei uno cul mal della cialcinaria a uso chel redatore del «folgio» citadino tagliano.

SAN CRISTOFULO

Da la zae di Florean

Biele, che figure che han fatt chei che a si disil i siors, cul no là in teatro in domenie di sere! Bön che parevin chei pates dugg neids! Coventà propri di che la cunscienze no i permeteve di ccoli part a di une opare di beneficenze e a di une dimostrazion patriotiche. Tal e qual come chest Otubar, in Zardin, a la fiere: pai puars inondaz.

Dal rest, anse senze di lor, e son stadi plui di vottent personis in teatro; e pai Reducis bisognos e son vanzadis squasi tresinte e cinquante liris, netis di tare. Ma za, baste che noji jentrin i siors, a Udin une robe e vā subit ben.

E saveo ce che vevin inventat, par ve la souse di no vigni? Si vevin mitut a di che in teatro a veve di sucedi une qualche barafuse; e cheste vos e jere stade tant ben spandude dai corirs dal caffè gnuv che fin la questure la veve bivude. Oh! se fossin rivaz ad ore di butā a mont il spetacul, ce gust che varessin vnt al caffè gnuv e vevin bieli zā viarte une sottoscrizion par fā une cene di polente e fertae. Ma la fertae le han fate senze polente; e seugnirin glotile, se ben che jere dure.

Veso vidut l'avocat Berghinz in cane? dopo des eleziōns pulitichis di chest novembar, a no la puartave plui; e cumò le ha tornade a meti st. Chest cambiament di taponē-ciaf mi mett in gran pinsir. Marie Luigie e dis che qualchi ciosse al ha di jessi sott. E jō lu cred, parçè che zā si ha vidut simpri che dugg i grang avenimēnz e son staz prime segnalaz di qualchi pizzule ciosse, che no i dā in tal voli a cui che, come mè, nol sedì un fin osservator.

Un sior, vistut di omp, pizzulat, tracagnott, di pel pitost gris, al spassizaxe su e jū par Marciatvieri. Un puar soldat, persone pulide a cheil si podes judich, a i vignive incuintri a cheil'altri e i passa dōnge, senze nance gialalu te muse. Fogo di bio! se vessis vidut! Il sior al si ferme aun doi pis, parçè che non veve di plui, al ti clame indaur il soldat e i fās une filade di ches cui floes. « Jō sono il uestro gienaralo; al aberlave, parçè non mi gayete fato il saluto? » « Che al mi scusi, al respuindeve il soldat, bianc tanche une piezze diampelade, jō no lo cognoscevo. » No forin seussis. In presinze di une sdrume di int, che veve fat bozzul intor, il soldat al seugnì surbisal une paterne in plene regule e po', quacio quacio, là in caserne a consegnassi.

nuje, ma par che lu vevin di cognossi dugg i soldaz, anse quand che al è vistut di omp, al dovaress regalai a dugg la so fotografie.

Che po' di fā tigni cussi mal apajat un puar soldat, in presinze di tante int, par un repeton plui o manco, mi par che sedì une robe che devi par sigur fā un bon effett sul spirt militar! Ce diseso voaltris?

Quesit di aritmetiche, comparade a une urgent necessitat dai gnarvs:

« Oiaminand sū e jū par Marciatvieri uns dos oris par sere, ce tang pâr di stivells si frūno in t'un an; e ce tantis probabilitaz sono di ciata un bocognutt di marit? »

Cui ch' al sarā bon di dā la justa soluzion di chest probleme, al varā in premi (induvinait) une bussade di Siore Lise; (Glohl e jē une sartore, biele more sui trent'agn.) che ha un interesse particolar e di premure di vè la spiegazion.

SERVIZI TELEGRAFICI PARTICOLAR di FLOREAN.

Viene, 16. (Ore di inacuazzisi de burle). Mein herr Cisoto. Lei diventato mato? Lei marum dem proposto desistenza processa contro gazetta « Popolo » di Udine per subscriptionen lapide Oberdank? Mi gnente più capissa. Tuo patron bazzila quando Lei lassa far queste porcarie per mi. Mi gnente lei mandar decorazion quando lei no bon far condannar tutti questi mati furlani galera.

Checo-Bepo

Viene, 16. (Ore di soflasi il nas). Mein multo charissimo Paulo Apostula. Mi multo contentisimo tuo Tita. Suo discorsamento in Deputati Camora stato multo penissimo. Voi tagliani troppa liberta. Mi scriba subito Depretis. Mi lui comandar sue dimission presentir per meter Tita suo posto. Tita craziosissimo ministro interno per regno scavezaccoli.

Checo-Bepo

Berlin, 16. (Ore di implā la pipe). Geliebten Colegha Augustin Rom. Ti non se pon finir ciacota Questa tua Deputati Gambera ti seca lavernete? Ti manda spasso. Questi Raddi calli ti fa meter prason come mi fato con socialisti. Non se permesso deputati pensar diferente ministro Parlamento mi vol come Orchestra e mi star Maestro di Capela. Quando un stona mi romper bacheta sun sua testa Ti anca bon maestro di capela. Ma ti no bon far sonar mia musica! Ocio! tuoi musicanti pon ti mandar schola. Leben sie Wohl.

Bismark

GUIDO ANTONIOLI, gerent responsabile

Udin, Stamparie Jacob e Colmegne.

Il general al varā vut anse reson, jō no dis